

Dili Post

Habelar No Haburas Demokrasi



PASU 4 PROTEJE AAN HUSI COVID - 19

1. Mantein Distansia sosial
2. Hadoop aan husi publiku
3. Uza maskra
4. Evita kaer Oin,Matan,Ibun no Inus

Serangan AS di Afghani-
stan Diduga Keliru
Targetkan Pekerja Kem-
anusiaan
>>Le'e Pj.....4

SEGUNDA, 13 SETEMBRU 2021

Edisaun :518/1/2021. 8 Pajina. Folin U\$. 50 Centavus

Suku Metiaut Preokupa 'Bolsa da Mae'



DILI Post- Komunitade Suku Meti-Aut preokupa kona ba programa bolsa da mae ne'ebe benefisia inan-aman sira ne'ebe ninia oan barak iha uma laran.

Atual Xefi Suku Metiaut, Mateus Inacio da Costa hato'o lia hirak ba Dili Post iha Metiaut Sesta Semana kotuk.

Total lista bolsa da Mae hamutuk 58 ba benefisiariu sira ne'e uluk, ekipa hosi sosial tun mai direita rekolla dadus iha Suku Metiaut.

Uma kain balun ninia oan too 11 -12 maibe naran la tama lista bolsa da mae ida ne'e mak komunitade sira preokupa loos ne'e.

Programa bolsa da Mae ne'e iha kriteria barak los Liu Liu ba labarik sira eskola ne'e tenke hare husi valor, a'as husi materia exsata sira.

Nia akresenta tan kada trimestre estudante tenke ba apreza valor atual hodi bele somu sira nia osan.

Pagamentu ba Bolsa da Mae ne'e kada fulan 6 dala ida, entaun tinan ida halo pagamentu Dala Rua, inklui ho Idosus ba ferik ho katuas sira. (cal/ros)

Reklamante Ejize Governu Aselera Distribui Sesta Baziku



Sidadun sira ne'ebe mak forma hela atu simu sesta bazika iha fulan hirak liu ba.

DILI Post - Komunitade Suku Bebonuk iha kapital Dili ho total reklamante atus rua, rua nulu resin tolu (223) ejize ba Governu aselera lalais distribuisaun Sesta baziku tanba to'o oras ne'e sira sedauk hetan.

'Halerik' ne'e reklamante sira hato'o tanba maioria komunitade sira iha Suku Bebonuk, Postu Administrativu Don Aleixo, Munisipiu Dili hetan hotu ona programa sesta bazika.

Tan ne'e, reklamante nain 223 iha Bebonuk sente tristi tanba seidauk simu sesta bazika husi Governu kuaze besik

tinan ida ona mak sira hein.

Ho situasaun ne'e reklamante Suku Bebonuk, Duarte Loe ba DILI Post hateten sira kontinua ejize ba Governu liuhosi Ministériu kompetente atu haruka kompañia sira fahe ona programa sesta bazika ba reklamante sira.

"Besik atu tama tinan ona, ami seida'uk hetan sesta bazika no tansa mak to'o agora seidauk distribui ba reklamante sira," dehan Duarte ho tristi, iha Bebonuk, Sabadu Semana kotuk. Nia esplika, tuir loloos uluk nia mós simu hotu sesta

>>Kont Pj.....7

Governu Entrega Uma Ba Veteranus Filipe Belo 'Rai Kalan'

DILI Post - Loron Sabadu, 11 de Setembru Governu liu husi Ministériu Assuntu Kombatentes Libertasaun Nasionál (MAKLN) entrega uma ba Veteranus Filipe Belo Kodigo 'Rai Lakan'.

Sekretáriu Estadu Assuntu Veteranus, Gil da Costa Monteiro 'Oan Soru' hateten, inagurasaun bá uma veteranus 'Railakan' nian ne'e bá dala tolu ona, husi atibuisaun osan rihun

\$ 40 iha faze dahuluk bá benefisiariu na'in 100-resin no bazeia bá konstituisaun RDTL, estatutu kombatentes libertasaun no mós dekretu governnu.

"Orsamentu ne'ebé aprova hodi atribui iha primeira faze bá konstrusaun bá ema 100-resin tuir konstituisaun artigu 11, estatutu kombatente artigu 23 no dekretu governu no.16/2020 dia 30 outubru, veteranu Railakan



>>Kont Pj.....7

OPINIAUN Covid-19 dan Kesadaran Ekologi

Oleh Gabriel Adur

Apayang diupayakan dan disuruhkan oleh aktivis-aktivis pencinta lingkungan hidup dan juga gerakan, Fridays-forfuture, seakan-akan tanpa kata disahkan oleh kehadiran COVID-19. Namun, apa yang tidak dicapai oleh gerakan Fridays-forfuture, dimungkinkan oleh virus ini.

Bukan dengan demonstrasi dan berbagai orasi seperti Gretha Thunberg and co.la hadir dalam diam. Datang untuk mengugat kemapanan. Ia mengeritik gaya hidup kapitalistis. Ia menyapa kita yang kurang bersahabat dengan alam. Seakan-akan kehadirannya menggugah keserakahan hidup.

Ia mencibir sikap pongah setiap orang pada flora dan fauna.Kita yang tidak membiarkan kelelawar -kelelawar berdiam dalam gua-gua ular-ular dalam lubangnya dan binatang-binatang bersisik dan beracun lainnya pada habitatnya.Kita membunuh dan menjadikan mereka sebagai delicates (makanan eksostis) seperti di Wuhan. Hutan-hutan sebagai rumah atau habitat dari berbagi jenis hewan dibabat.

Kemudian digantikan dengan tumbuhan perdagangan. Tak heran terjadi kerusakan hutan dan alam. Padahal

>>Kont Pj.....6

MS Labelé Abandona Postu Saúde Lour

DILI Post- Xefe Suku Postu Administrativu Bobonaro, Munisipiu Bobonaro, Miguel Lopes Gomes husu ba Ministériu Saúde (MS) koloka professional saúde ba Postu Saúde Lour.

Tanba, edifisiu dormotoriu ou hela fatin ba profesional remata ona iha fulan kotuk tinan ne'e. Maibé, to'o agora MS seida'uk koloka professional ba iha postu refere, hodi hela permanente.

"Postu Saúde Lour, konstrui iha tinan lima kotuk ba, no iha tinan ne'e foin remata halo konstrói ba dormotoriu

>>Kont Pj.....7

TL Lakon Kompaneru da Luta Jorge Sampaio

"Saudozu nudar ema ida estraordináriu ne'ebé kombina inteligéncia/matenek ho fuan, ema ida nakonu ho aksaun hodi sai ezemplu Polítiku ida ne'ebé hala'onia knaar ho seriedade no koerénsi no sai hun ida ba inspirasaun ba ema hotu"

>>Le'e Pj...2

Fortalese Sistema Saúde Iha Timor Leste

"Ho maneira ne'ebé mak garantia populasaun Timor oan bele asesu ba tratamentu loloos ba infe-saun sira ne'ebé grave, dehan Dr Josh Francis liu husi karta komunikanu ne'ebé Dili Post Asesu, Domingou horseik."

>>Le'e Pj...3

L7 Vizita Edifisiu PolTranz Hare Kondisaun Ne'ebe Sira Infrenta

"Hau mai partikular aproveita hare fatin sira ne'e atu aban bain rua tama fali servisu ami apreza iha komisaun B para hadia fatin polisia tranzitu sira nia fatin iha Dili laran,"

>>Le'e Pj.4



GSA PT Citilink Indonesia/Garuda Group

Office : Airportu International Presidente Nicolao Lobato

Dili/Fomento Delta/Divita Group.

Mobile : +67077241156

Email : corrottrans@gmail.com

Fortalese Sistema Saúde Iha Timor Leste



DILI Post - Ohin loron, marka tinan rua dezde Menzies School of Health Research (Menzies) ofisialmente estabelese nia eskritóriu ida iha Timor-Leste.

Menzies servisu hamutuk ho Governu Timor-Leste no parseiru sira atu haforsa sistema saúde nian hodi responde ba dezafiu husi moras infesiozu sira.

Menzies nia projetu sira iha Timor-Leste ne'e projetadu atu hasa'e kapasidade iha área klinikal, vijilánsia no laboratóriu, subliña kona-ba importánsia husi sistema saúde nian hala'o servisu hamutuk hodi mellora resposta ba moras infesiozu sira, tantu ba iha paciente individual no nível saúde públiku.

Liu-husi projetu oioin ne'ebé la hanesan, peskiza uza ona hanesan instrumentu ida hodi kompriende epidemiolojia moras nian no investiga impaktu potensial husi mudansa sistema saúde.

Ho apoiu husi Fleming Fund country grant, Menzies adapta ona sira nia servisu atu inklui abordagem One Health, suporta servisu saúde humana no saúde animal hodi responde ba dezafiu sira husi rezisténsia antimikrobíu iha Timor-Leste.

Tuir Co-líder ba projetu Menzies iha Timor-Leste, Dr Josh Francis hateten, bakteria ne'ebé mak resistente ba antibiótiku, ita normalmente

uza hodi trata infesaun sira eziste iha Timor-Leste. Bakteria sira ne'e hela iha meu ambiente, no sira afeta animal no ema humanu sira.

Uza abordagem One Health, Ministerio da Saúde (Mds) no Ministériu Agrikultura no Peskas (MAP) hala'o servisu hamutuk hodi kompriende situasaun réal husi rezisténsia antimikrobíu nian iha Timor-Leste no responde ba ida-ne'e.

"Ho maneira ne'ebé mak garantia populasaun Timor oan bele asesu ba tratamentu loloos ba infesaun sira ne'ebé grave," dehan Dr Josh Francis liu husi karta komunikandu ne'ebé Dili Post Asesu, Domingu horseik.

Dezde tinan 2020, servisu husi projetu STRONG Timor Leste nian espande ona signifkativamente hodi inklui apoiu bo'ot ba resposta Covid-19 iha Timor-Leste, inklui treinamentu no asisténsia téknika hodi asegura katak teste ba Covid-19 ne'ebé bele hala'o iha Timor-Leste ho seguru, kredível no efisiente.

Total número teste PCR Covid-19 ne'ebé hala'o ona iha Timor-Leste to'o fulan Agosto 2021 ne'e, hamutuk 186,307 amostra.

Nune'e Diretora Eze-kutivu ba Timor-Leste nia Laboratóriu Nasionál Saúde (LNS), Endang Soares da Silva, hateten parseria entre LNS ho Menzies ne'e ajuda

ona LNS atu alkansa nia kapasidade hodi realiza teste diagnóstiku mikrobiolojia, diagnóstiku klinikal no vijilánsia ba moras infesiozu oin-oin. "Ho apoiu husi Menzies, LNS halo ona progresu bo'ot ne'ebé mak destaka husi ami nia pesoal téknikal," tenik Soares.

Nia hatutan, tékniku hotu-hotu ne'ebé mak envolve iha treinamentu ne'e hasa'e ona sira nia kapasidade, sira nia koñesimentu no esperiénsia servisu iha mikrobiolojia, sira nia konfiánsia atu relata rezultadu sira ne'ebé ligadu ho diagnóstiku, vijilánsia no peskiza.

Tan ne'e, nia dehan LNS no Ministériu Saúde Servisu hamutuk ho Sentru Nasionál ba Vijilánsia no Peskiza Imunizasaun (NCIRS) Australia, Menzies mos implementa projetu sira ne'ebé haree kona-ba epidemiolojia COVID-19 nian no moras sira seluk ne'ebé bele prevene ho vasina, liu husi realiza-saun vijilánsia serolójika iha Timor-Leste.

Aliende ne'e Menzies Operational Research Technical Adviser Dr. Nelson Martins mos relata estudu seroprevalénsia ne'e importante tebes atu kompriende imunidade individual nian ba moras sira ne'ebé mak bele prevene ho vasina no husi moras endémiku ne'ebé preventavel hodi ajuda Mds. Parseiru dezentvolvimentu

sira no komunidadade dezentvolve intervensaun ne'ebé mais akuradu no bazeia ba evidénsia. Projetu ARIARISE tama mai iha tempu ne'ebé mak adekuaudu, bain-hira estudu seroprevalénsia ba imunidade COVID-19 nian ne'e nesésariu tebes hodi guia desizaun lor-loron nian kona-ba prevene mutasaun altamente evolutiva husi SARCOV-19 no nia variante sira. Maske nune'e, Timor Leste nia relatóriu hatudu iha kobertura ne'ebé di'ak husi administrasaun vasina nian, imunidade réal ne'ebé dezentvolve husi vasina ne'e seidauk relata."

Menzies nia projetu foun ida tan hanaran MATCH TL, sei ajuda atu haforsa diagnóstiku no vijilánsia ba moras infesiozu sira ne'ebé importante inklui malária, tuberkuloze no HIV, iha Timor-Leste.

Menzies kontinua servisu hamutuk ho Timor-Leste nia Ministériu Saúde no Ministériu Agrikultura no Peskas, no Instituto Nacional de Saúde atu fornese apoiu tékniku hodi haforsa sistema saúde nian iha Timor-Leste.

Projetu hirak ne'e finansia husi UKaid, Fleming Fund Country Grant ba Timor-Leste, Australian Regional Immunisation Alliance no Departamentu Negósiu Estranjeiru no Komérsiu (DFAT), Governu Australia. (**)

MoTa- RDTL Sujere Oitavu Governu Labele Reativa Hikas KO Iha TL

DILI Post- Movimentu Tane Republika Demokratika De Timor Leste, (MoTa - RDTL) sujere ba Oitavu Governu atu labele reativa hikas tan konfinamentu obrigatoriu (KO) iha Timor Leste halo terus deit povo kiik.

Tuir Porta Voz Movimentu Tane Republika Demokratika De Timor Leste, (MoTa - RDTL), Bento Alberto Carlos Informa, Mota RDTL hare ba situasaun aktual iha Timor-Leste liga ho politika Oitavu governasaun nian laiha konsistensia hodi fo serteza ba orevene sirkulasaun Pandemia Covid-19 no Variante Delta. "Governu laiha konsistensia hodi minimiza Pandemia Covid-19 no Variante Delta iha Timor-Leste, tanba MoTa RDTL hatene katak aplikasaun Konfinamentu Obrigatoriu iha Timor-Leste ho objetivu atu minimiza sirkulasaun Pandemia Covid-19 no Variante Delta Labele hadaet ba sidadaun sira, maibe ita hare povu mak nafatin sai vitima ba politika ida ne'e. "Dehan Porta voz MoTa RDTL, Bento Alberto Carlos ba jornalista sira liu hosi konferensia Imprensa iha Tasi Tolu, Dili. Nia dehan, MoTa- RDTL ejije, Governu labele ona atu hamosu tan Konfinamentu Obrigatoriu KO iha Timor-Leste hodi fo liberdade total ba iha povu no Joventude sira hotu hodi buka nia moris ba hakotu krize ekonomia neebe familia sira infrenta hela. "Ita hare iha pratika Governu halao diskriminasaun bo'ot Hanesan realidade maka foin dadaun Prezidente Parlamentu Nasionál ho nia komitiva viagem ba estranjeiru iha nasaun Austria maibe governu sulan povu iha uma" Nia dehan. MoTa RDTL hare katak Governu laiha responsabilidade ba nia povu, Governu laiha politika ne'ebe adekuaudu hodi asegura nia povu husi krize ekonomia ne'ebe Timor-Leste infrenta, tanba Ministériu konsentra deit ba Pandemia Covid-19 no Variante Delta. "Serake Pandemia refere ne'e laos responsabilidade Ministériu seluk nian, maibe Ministériu Saude no sentru integradu jestaun krize no organizaun mundial Saude nia responsabilidade, maibe hare ba realidade ministériu hotu konsentra deit ba iha moras Covid-19," tenik nia.

Tanba ne'e governu la konsistensia no laiha politika diak hodi fo orientasaun ba Ministériu sira hotu hodi halao nia funsaun hanesan ministériu tutela ba saude hodi minimiza risiko ba ekonomia povu Timor-Leste. "Mota RDTL sujere hodi husu ba sidadaun hotu-hotu nafatin kumpri regulamentu OMS nian iha Timor-Leste maibe kontinua movimentu hodi buka moris," hakotu nia. (Athy)

CNRT Preokupa Estrada Lolotoe

DILI Post- Representante povu iha uma fokon Parlamentu Nasionál (PN), liuhosi deputadu bankada oposisaun CNRT kontinua preokupa estrada Postu Administrativu Lolotoe.

Tanbá, hare ba iha kondisaun estrada atu tama ba iha Vila-Postu Lolotoe, tinan barak nia-laran, Ministériu Obras Públika (MOP) seida'uk hadia.

"Ita haree estrada atu ba Vila-Lolotoe, fatin balun rai komesa monu no halai, MOP prezisa atu hare no hadia," dehan Deputadu bankada CNRT, Marcos Xavier iha Parlamentu Nasionál. Nia rekonese, agora tama ona iha tempu udan monu rai, governu liuhosi hosi Institutu Jestaun Ekipamentus (IJE) tenke halo observa hela de'it ba iha estrada sira ne'ebé mak amiasa monu no tun kedas halo normaliza.

Atu nune'e labele fo impaktu ba iha movimentu transporte públiku ne'ebé mak halo movimentu ba mai hodi tula produktu lokal komunidadade sira nia mai iha merkadu Munisipiunomos ba iha merkadu kapital Dili. Nia mos preokupa ho ponte Nunura II Tanbá, Orsamentu Jerál Estadu (OJE) 2021 ninia tau ona orsamentu ba iha ponte refere. Maibé, to' o agora seida'uk konstroi. Tanbá, estrada foun ne'ebé liuhosi Manduki ba iha Maliana, transporte públiku sira hodi asesu hotu ba iha ne'ebá. Tanbá, haree ninia distansia besik, 30 minutu deit to ona iha Maliana no kompara liuhosi estrada Batugade atu ba Maliana ninia distansia dok tebes.

"Ita husu ba iha MOP, atu tau atensaun ba ponte ne'e, hodi bele transporte públiku sira bele asesu ho di'ak iha tempu udan monu rai," nia dehan. Tuir nia haree, agora daudaun transporte bús mak agora liu ona iha estrada hosi Batugade no transporte públiku sira seluk disidi liuhosi estrada foun. Tanbá, tuir sira nia hare estrada foun ne'e ninia distansia besik.

Sikun seluk Komunidadade suku Raimea, Aldeia Obaba, Postu Administrativu Zumalain, Munisipiun Covalima husu ba Ministériu Obras Públika (MOP), atu matan ba iha estrada direasaun Postu Zumalain ba Munisipiun Ainaro.

Tanbá, haree estrada ne'e, iha fatin barak mak kondisaun at ona, hafoin mosu dezastre naturais iha loron 4 Abril tinan ne'e. "Iha tinan rua kotuk liu ba, ita haree estrada ne'e diak no ita hosi Zumalain atu Ainaro ho transporte la to' o oras rua. Maibé, agora tenke han oras tolu mak foin to' o Ainaro," dehan Komunidadade Obaba, Bendita Bete. Nia relata mos estrada iha área Zumalain mos hare kondisaun ladiak no komunidadade sira susar tebes atu lori moras ba iha sentru saude Zumalain tenke han oras ida mak foin to' o sentru saude. Tan ne'e, husu ba governu liuhosi Ministériu Kompetente atu resolve lalais estrada hosi Zumalain ba to' o iha Ainaro, atu nune'e komunidadade sira bele ba fan sira nia produktu lokal iha merkadu Ainaro no Dili, ho lalais liu. Deputadu bankada Partidu Libertasaun Popular (PLP), Abel Pires rekonese ho klamidade ne'ebé akontese iha loron 4 Abril tinan ne'e, kongeje estrada no ponte lubuk ida iha teritoriu Timor laran-tomak no to' o agora Ministériu Obras Públika seida'uk resolve hotu. MOP prezisa halo ona manuntesaun ba iha estrada no ponte ne'ebé hetan estragusaun hanesan, estrada hosi Manleuna ba iha Sarlala, no iha fatin sira seluk-tan, ne'ebé to' o agora seida'uk halo manuntesaun. Tanbá, ne'e iha Orsamentu Jerál Estadu (OJE) 2022 tenke tau orsamentu ne'ebé boot ba iha infraestrutur, atu nune'e bele resolve estrada no ponte sira ne'ebé a'at.

"Ita identifika ona ponte 8 hahu hosi Baucau ba Lospalos ne'ebé kondisaun a'at, prezisa atu halo manuntesaun, nomos iha fatin sira seluk-tan," nia relata. (**)

Luta Hasoru Covid-19, EUA Sei Apoiu Tan Osan Millaun \$2.3 Ba TL

DILI Post - Estadus Unidus Amerika (EUA) sei apoiu tan orsamentu Millaun \$ 2.3 ba Timor Leste (TL) luta hasoru covid-19. Estadus Unidus kontente hodi anuncia fundu adisionál millaun \$2.3 iha asisténsia, ajuda TL luta hasoru Covid-19 no haforsa seguransa saúde nian.

"Fundu foun ne'e sei uza ba harii fasilidade saúde hodi permite ho diak liután Governu TL salva ema nia moris," relata liu husi karta komunikadu ne'ebe Dili Post asesu husi Ofisial Asuntus Públikus Embaixada Estadus Unidus, Sesta-feira Semana kotuk. Iha komunikadu ne'e sita dezde pandemia ne'e hahú, EUA servisu ona hamutuk ho TL hodi luta hasoru Covid-19, fornese ona millaun \$ 4 iha asisténsia ne'ebé kritika tebes. Kompromisu millaun \$2.3 ne'e sei fornese finansiamentu hodi hahú servisu ba projetu tolu hanesan tuir mai nee:

Harii Fasilidade Izolamentu iha Baucau: harii fasilidade izolamentu sira iha ospital regional ida iha Baucau neebé sei ajuda trata paciente Covid-19 no bele hamenus problema iha fasili-

dade saúde atual sira;

Harii Unidade Móvel ida ba Kuidadu Intensivu iha Dili: harii unidade móvel ida ba kuidadu intensivu iha Dili hodi reforsa TL ninia kapasidade atu fornese kuidadu saúde intensivu ba paciente Covid-19 no populasaun sira seluk neebé ho kondisaun saúde vulnerável

No mos Projetu Fura Bee Matan iha Batugade: dezentvolve projetu fura bee matan hodi aumenta kapasidade forneseimentu bee moos no saneamentu iha sentru kuar-entena ida iha Batugade.

Reprezenta esforsu tomak husi Governu Estadus Unidus hodi apoiu TL, fundu neebé anuncia iha ohin loron nee fornese husi Misaun Estadus Unidus nian iha TL, liuhusi Ajénsia Estadus Unidus ba Dezentvolvimentu Internasionál (USAID) no Komando Indo-Pasífiku Estadus Unidus kolabora hamutuk ho Korpu ba Paz.

Aspetu sira husi obra nee sei halao liuhusi serbisu hamutuk ho UNICEF.

"Estadus Unidus hamriik metin ho TL hanesan amigu no parseiru duradouru hodi hamutuk combate Covid-19,"



hateten Enkaregadu Negósiu Embaixada Estadus Unidus iha Dili, Tom Daley.

Nia hatutan Estadus Unidus adopta abordajen abranjente ida hodi hapára pandemia ida-nee, halo mitigasaun ba estragu hirak neebé Covid-19 kauza ba ema no sociedade sira, no reforsa rekuperasaun iha nível global no prontidaun atu hasoru ameasa kauza husi pandemia iha futuro.

"Ami kontinua intensifika ami-nia asaun hodi ajuda TL atu salva ema nia moris tanba ida-nee maka buat loos neebé ami prezisa halo," tenik Tom Daley.

Ne'e duni, nia dehan

apoiu ohin refléta kompromisu forte Estadus Unidus nian hodi hapára pandemia nee. "Iha fulan Juñu, Prezidente Biden anuncia katak Estadus Unidus sei fahe doze sira husi ami-nia forneseimentu vasina ba mundu tomak," haktuir Tom Daley.

Tan ne'e, bia dehan Estadus Unidus fornese no fahe ona doze vasina besik millaun 110 ba nasaun sira hamutuk 60 no nee foin maka hanesan inisiu deit.

Estadus Unidus sei kontinua fornese asisténsia ba TL hanesan parte ida husi EUA nia kompromisu hodi lidera resposta iha nível global hasoru pandemia ida-nee. (**)